

Augsburg, 21. April 1580

An Christoph Fabius Gugel

UB Erlangen, Briefslg. Trew, Wolf, Hieronymus, Nr. 20.

Druck: Murr, Anmerkungen S. 68f.; Murr, Memorabilia, Bd. 3, S. 171.

S. Superiore anno mecum fuit primogenitus tuus, Andreas Christophorus: cuius et ingenio et moribus fui delectatus. Ei dedi literas ad te mittendas, et alteras Bononiae Zolanetto reddendas. Interim neque abs te neque ab illo quicquam mihi rescriptum est. Ac te occupationes tuae facilè excusant. Mei verò officij esse puto, postremis hisce lucubratiunculis meis, vel memoriam tui meam testari, vel redimere culpam nugarum astrologicarum: quibus te offensum esse, haud obscure prae te tulisti. Etsi autem has nugas meas fortasse nihilo magis probabis: tamen in angulo aliquo bibliothecae tuae delitescere, ut patiaris, veteremqüe Iulianae familiae erga me benevolentiam conserues, oro: cuius me clientem libenter profiteor: etsi nihil hactenus, et valetudine et fortuna prohibitus, officij vel mediocris in patronos conferre potui. Vale. Augustae Vindelicorum. 21. Aprilis Anno 1580.

Hiero[nymus] Wolfius.